

歸

愚

詩

鈔

歸愚詩鈔卷十五

長洲沈德潛礪士

七言律詩

張中丞廟

雲旗髣髴下江濱，猶見危城百戰身。  
忍使河山無扞衛，要令寇賊識君臣。  
魂歸朱鳥天常黯，血葬蒼  
泓草不春。萬古南雷同廟食，陣雲邊月想威神。

北固山懷古

突兀層崖枕碧流，如羊狠石跡還留。  
縱橫戎馬三今國，牢落江山一倚樓。  
鐵甕日沉殘角起，海門月

暗暮潮收憑高把酒澆天慙身世茫茫我欲愁

過真州

揚州西去真州路萬樹垂楊繞岸栽野店酒香帆  
盡落寒塘漁散鷺初回曉風殘月屯田墓零露浮  
雲魏帝臺此夕臨江動離思白沙亭畔笛聲哀

金陵詠古

石頭作鎮號巖疆鼎足三分此一方更徙武昌誇  
虎踞不知名將下龍驤紫髯空自爭荆楚青蓋旋  
看入洛陽太息雄圖消歇盡霸才終古憶周郎

瑯琊踐位仰龍孫破碎山河半壁存擊楫渡江惟

祖邀枕戈待旦有劉琨乍聞決策收河朔又見稱  
兵犯白門至竟偏安成底事神州淹沒不堪論  
天心久矣去彭城五載荒王召寇兵左衛重臣方  
伺釁官家小袴尚微行穿鍼帳殿星河晚露刀宮  
門玉座傾從此石頭城下過民間羞說褚淵生  
闕武堂前楊柳新至尊稗販嬖妃嬪作宮為讀西  
京賦種樹能回六月春刀敕家家齊設宴金蓮步  
步不生塵吹笙未歇雲龍破枉祀鍾山蔣帝神  
朱雀航南奮戰功俄然稱帝霸圖雄如何灌水彭  
城日正值談經同泰中白馬青絲謠已驗金甌玉

座語成空多情猶有臺城柳煙雨年年繞故宮

臨平湖草忽然開手掌河山釀禍胎玉樹新聲終  
夜奏黃龍巨艦蔽江來胭脂宮井身俱辱麋鹿姑  
蘇語更哀為問江郎入隋去擘牋容費舊時才  
鴛鴦寺主重華年無限風光錦洞天妙舞凌波移  
素靨寶珠不夜燭芳筵碧收天水真堪笑曲念家  
山亦可憐寂是舒州徐騎省傷心故主作降牋  
真人濠泗起干戈直取金陵作帝都姑孰乍收籌  
滅漢豫章才下遣平吳威儀朝野仍司隸職貢球  
琛遍海隅宋祖唐宗難並駕千秋赤帝許同符

逐燕高飛起戰爭，帝星偏傍冀方明。  
書生枉自謀人國，豎子何堪典重兵。  
浪說潛龍蟠大澤，誰迎老佛返神京。  
更憐瓜蔓誅夸地，碧血凝成草不生。  
江山半壁尚堪支，何事君臣逐晏婁。  
玉殿選聲朝中酒，吳綾蘸筆夜填詞。  
北來共說神兵下，南渡俄看舊鼎移。  
開府廣陵空有恨，枉教四鎮列熊羆。

觀音閣

在燕子磯旁

屢屢峭壁聳雲端，高閣千尋俯激湍。  
隔岸潮聲凭檻聽，過江山色卷簾看。  
鷗盤寥廓秋風急，帆入空濛夕照殘。  
極目長天杳無際，楚雲漠漠不勝寒。

白隄春興

破楚門西更向西  
畫船雙槳白公隄  
人家臨水花  
為市僧舍沿山石  
作梯弱柳似隨歌扇拂  
好鶯偏  
傍舞筵啼  
討春年少情難盡  
不許亭亭日色低

詠鶴

毛羽泫泫白雪輕  
傳書天外度滄瀛  
山頭月曉常  
留影秋夜露寒時  
有聲閭苑好尋新  
去路溪塘下  
慰故交情知君不是  
乘軒者萬壑松風入  
夢清

詠塵

軟土茫茫掃不開  
九州下視等浮埃  
麻姑東海經

三見王導西風障幾回金谷乍疑牀上迹昆明湏  
認劫餘灰飛揚獨避清閑地可到巖陵舊釣臺  
野馬細縕隙影過拂梁為起魯人歌史雲甑內生  
常滿虞愿牀頭積幾多九斛清涼輸野叟六根變  
滅問禪那笑佗但識東華路撲面狂飈奈爾何

靈巖

琴臺獨上俯嶙峋吳越興亡總劫塵香草自荒麋  
鹿徑空山曾識苧蘿人雲迷石磴疑無路花放禪  
房別有春極目煙波堪一葦浮家應問五湖濱

干將墩



鑄劍初成竟殺身，句吳霸業旋沉淪。始知神武威  
強敵，不用兵戈擾四鄰。白骨已消歸下土，青蛇時  
出恐耕人。莫邪應亦同埋此，恨血千年碧草春。

潤州

第一江山賦遠遊，驚濤千里望中收。干戈百戰餘  
軍壘，花柳三春憶酒樓。海嶽庵邊煙霧暝，真珠泉  
畔荻蘆秋興高。更蠟登山屐直上，巔崖瞰五州。

山京口山竄高者  
望凡五州故名

阻風上多景樓

甘露寺前雲作門，多景樓下雲為屯。天風欲搖嵐

嶺動山勢疑逐波濤奔瓜步帆檣沙際泊蕪城煙  
樹望中昏鄉關咫尺阻歸路寐莫寒江斷客魂

寄史漢公

青山自署老遺民往事茫茫付劫塵湖海飄零一  
杯酒漁樵收拾百年身閒中筆削修山史靜裏工  
夫養谷神西照頭陀戴而今物化傭書誰給庾郎  
貧

登江陰興國寺浮圖

興劇攀登寂上頭聳身雲表豁雙眸百年戰伐山  
河壯萬里風霜草木秋市地蒼蠅喧短巷滔天白

馬走中流老僧指點春申墓衰草斜陽土一垞

秋懷

烏鵲空依月下枝窮廬抱影不勝悲菊芳蘭秀知  
秋序露白葭蒼憶水渚庾信離愁枯樹賦少陵幽  
怨杜鵑詩感時最是紫懷抱一夜清霜染鬢絲

清秋天地景蒼涼黃葉千邨一夕霜但做探九分  
黑白不聞刈稻詠倉箱西風餓犬嗥空巷落月寒  
雞叫隔牆為語龔黃勞補救可容閭井有流亡  
酒竭長瓶百感興夜長挑盡草堂燈風高舊苑思  
調馬霜落荒原想按鷹自詫空囊同趙壹還誇棗

氣比陳登悲歌擊筑平生事燕市遨遊媿未能  
花月歡場事已非故交別後鴈書稀鄉園秋老霜  
華冷關塞風寒木葉飛幕府談兵增意氣侯門投  
策傲輕肥杜陵也有安危志老大悲傷尚布衣

偶成

繅就文章闕色絲朱絃疏越是吾師爭誇丹艘塗  
施日正值風騷歌絕時帝子嬋娟懷杜若美人遲  
暮詠江離劇憐韶濩雲山曲却共皇苓漫點嗤

使者

使者南來密網羅楚囚嚴譴荷戛戈健兒已入回

中籍少婦新成塞下歌木葉山高入罕到松花江  
遠鳥難過遙知鄉隴關心霎目斷吳天柰爾何

暨陽翁霽堂枉過草堂

風竹蕭蕭晝掩門久無筇屐破苔痕忽傳江上青  
衫客來訪溪南黃葉邨千里相思勞仲悌一人知  
已感虞翻文章自是吾生事誠與高賢對榻論

于忠肅公廟

宰木豐碑拱墓門旌功祠畔禮忠魂孤臣決策安  
中國羣小訛傳召外藩禁信玉符存內府空教熱  
血灑荒原隔湖相望棲鴉嶺岳墓兩地深沉萬古冤

吳山懷古

大觀亭榭俯丹梯千尺峰巔一杖藜孤嶺界分城  
內外曲江劃破浙東西潮頭如馬當空立山勢猶  
龍入望低吳越興亡總陳迹伍胥英爽震羣黎  
三千強弩捍錢唐賜券分茅異姓王五季代傳唐  
土地百年廟受宋蒸嘗林柯曾寵將軍號溪谷還  
沾錦繡光所惜兵強名義正未從羅隱伐朱梁  
夫差曾報闔閭仇宋室南遷事竟休和議有人增  
歲幣偏安無詔復神州中朝已灑萋弘血塞北空  
聞杜宇愁莫上鳳凰山頂望冬青誰認舊陵業

襄樊失守勢飄搖半壁河山付北朝餘燼但依新  
會水無情深恨浙江潮君臣俘馘歸沙漠宮殿荒  
涼遍黍苗唯有青山終古在夕陽回首客魂消

遊雲棲寺

長松萬壑蛟龍吟引我入山深復深老僧修行唯  
贊佛客子訪道還洗心巖前白雲有來去池裏青  
蓮無古今誰能此地結茆屋壁觀峯頂常幽尋

和尤滄渚宮贊書興

歸田久已補南陔時向閑園步屨回半壁夕陽山  
雨歇一池新漲水禽未煙霞好語傳賓座鸞鳳清

音上嘯臺莫問錢王舊亭榭荒原處有蒿萊

家人生日

廿年負戴久相依恰值黔婁生計非顧我無才勞  
馬磨憐君有淚灑牛衣青裙縞袂風常在錦幙香  
車顛已違不用鹿門方避跡前程共指釣魚磯  
嬾性相將竹石居批風抹雪半生餘曉寒龜手親  
提甕夜永篝燈伴著書出塞未須愁失馬過河曾  
為泣枯魚野蔬充膳尋常事元相家風在我廬  
南轅北轍總難行之子相邀變姓名不厭蓬萊知  
有命偶談梵貝証無生年光荏苒當迎亥斗柄昏



黃昏指庚四十窮愁真負汝他家夫婿已專城

梅花

殘雪初消欲暝天幾枝冷艷破春妍山邊邨落澗  
邊路籬外幽香竹外煙自我相思經一載與君偕  
隱已多年惜花兼怕催人老扶杖更深看不眠

寄郭青溪代簡

君家竹屋青溪陰溪流洄曲深復深閒時射鴨雲  
水際長日讀書松桂林要共楚臣吟橘頌還同漁  
父歌挈音許我渡江遠相訪能來不來愁我心

秦皇

蠶食終教并六王美人鐘鼓實咸陽太山壇祭迷  
風雨博浪車行駭虎狼萬里築城天漠漠三壺求  
藥海茫茫燒書乍歇驪山火地下誰能禁牧羊

漢武

鼓吹橫汾樂未央算商搜粟許為郎鑿空使者通  
西域傾國佳人出北天馬遠徠兵力困金盤高  
抗露華涼劇憐盤屋仙遊後乙帳虛懸明月光

聞

詔二首

忽傳渙汗出深宮婦孺歡娛四國同

明主自容王敬伯何人不証魏元忠已無雄虺吞  
靈魄郝許浮雲障碧空回斡化工應此日東南萬  
戶待春風

當年溫旨罷桁楊詠檜詩成更中傷水面射工能  
伺影天邊麗日正重光一錢久已知劉寵滿篋何  
妨謗樂羊漫說湘潭歸去好

君恩未許老畊桑

客中生日

滿庭黃葉滿牀塵紅燭青尊夜欲分真覺光陰如  
過客可堪四十竟無聞中宵孤館聽殘雨遠道佳

人合暮雲遙憶故園茅屋裏焚香為禮玉晨君

句曲招鶴樓同朱荅季作

高棟平臨蒼翠間春風與客共躋攀浮空影動龍  
江水入座雲分地肺山把酒晴窓官舍靜抄書永  
日小胥閑踈簾清簟無人到萬里寥天一鶴還

遊崇禧觀贈詹律師

排空鐵鎖入高旻雞犬無聲隔世塵古屋雲深蔽  
劍烏平壇月上禮星辰金羊石虎堦前獸琪草神  
芝洞口春徐甲不須求去切故應常御出關人

贈朱原博兼送之曹南

兩地衡茆隔澗阿雞鳴風雨數相過身當薄俗未  
章賤人到貧交氣誼多寒月辭鄉逢白鴈曹州作  
客渡黃河赤符遺廟今還在酌酒荒天起浩歌

姑蘇懷古

已辰門外弔荒基空憶郊臺僭祀時遺俗至今歌  
白紵居人終古恨黃池出亡有兆符占夢破國無  
端為獻楮至竟荆榛叢舊苑野烏啼斷伍胥祠  
今古英雄東逝波張吳事業竟如何未能請吏同  
錢俶漫欲稱尊比趙佗北面慶雲天子氣西風黃  
葉小兒歌故宮回首閑憑弔波隴荒涼蔓草多

卞忠貞公祠

祠宇荒涼傍石城，摩挲斷碣識忠貞。  
不容達士傷名教，曾慮強臣擁重兵。  
力戰負創天欲怒，握拳透爪賊還驚。  
青溪一水流遺恨，風雨寒潮氣未平。

黃侍中祠

金川失守竟難支，羅剎磯頭空誓師。  
杜宇無歸憐蜀帝，江魚有腹葬湘纍。  
制詞詆斥傳良史，血影鮮明認斷碑。  
一曲神絃魂欲返，荒祠落日卷靈旗。

月夜渡江

萬里金波照眼明，布帆十幅破空行。  
微茫欲沒三

山影浩蕩還流六代聲  
水底魚龍驚靜夜  
天邊牛斗轉深更  
長風瞬息過京口  
楚尾吳頭無限情

寄江陰王韓起

河橋把袂燕飛初  
又值霜林萬木疎  
往日聲華應更好  
比來眠食竟何如  
白雲古寺還聽講  
黃葉閑門想著書  
臘盡江頭冰欲解  
故人正好遣雙魚

舊邊詩九首

我

國家內外一統萬  
方寧謐揆文奮武無遠弗屆矣  
閱明史見季年屯政不修邊事日壞民生

凋敝因作舊邊九首述往事益以慶太平也

憑關俯海舊邊疆一線迢遙指薊方外國梯航通

貢賦

高麗貢道

中邦門戶重隄防渾河冰合勞飛輓長

白霜清冷戰場誰識天心正東眷鬱蔥王氣在遼

陽

右遼東

漁陽重地衛幽燕倒馬飛狐關嶺連自從寧藩無

外鎮遂令古北急防邊

初以大寧為外邊永樂間寧王內徙而薊始重內邊

英牧人度阪時驅馬名將當關日控弦不有築城



楊御史恐教羽檄達甘泉

御史楊博修邊牆設防禦敵患少却

右薊鎮

大寧棄後守開平又見蒼黃失重城

土木變後開平與和亦不

能守正憶文皇犁絕塞翻憐英廟誤親征風旗蔽野  
晨挑戰雪帳連山夜斫營設險正須防上谷安邊  
總為翼神京

右宣府

代北燒荒草木空防秋從古重雲中二關形勝環  
寧武三面烽煙繞大同俺答內侵邊柝苦吉囊遠  
寇陣雲紅行間欲問平戎策魏尚當年有戰功

右大同

蘇武城頭落日低明妃冢畔暮雲迷重臣逐寇籌

方略

都御史何喬新逐寇於反講設善後六策

遺孽操戈釀禍梯吉囊疲

馬帶瘡馳代北土兵枵腹守山西不聞仁愿防邊

日

張仁愿

歲歲荒原動鼓鞞

右山西

榆林遠過皋狼鎮洪武新兵設備多末季無人恢

套口中朝有恨棄魚河

正統時所棄

三更急雪還傳箭

萬竈饑軍且枕戈能向延綏勤挽粟馬騰士飽定

如何

右榆林

賀蘭層嶂入雲霄五衛蒼茫殺氣遙冰結黃河飛  
敵騎風高紅寺落盤鷓牛羊野老常驅隴弓箭遊  
軍各在腰共識靈洲沃衍地蒿萊滿目莽蕭條

右寧夏

鎮連八郡咽喉地戍鼓邊笳晝夜聞翠鳳徵兵須

轉餉

每歲調臨鞏西鳳兵防守第糧在本軍額內支給非策也

甘蘭失勢莫移

軍

移甘蘭軍獨駐花馬池亦非策之上者

霜嚴萬堡停樵爨雲暗千

山亂馬羣倚劔儻能籌勝算獨教虞詡立殊勲

階州開漕道招流亡羗人習服

右固原

平羌斥堠界山丹白草黃沙沒馬鞍  
萬里洗兵西水弱三軍鳴劔黑風寒  
永寧地險周防急哈密鞭長戍守難  
欲慰廟堂勤遠意留屯邊境起凋殘

右甘肅

同許雪邨滄浪亭迎秋次原韻

暮天雨散暑初收展席空亭俯碧流  
吾鄙才華文酒合古人名字播遷留  
風翻荷氣消殘醉露濕蟬聲報早秋  
入夜不妨歸棹緩亂螢相送過溪頭

贈金海翁太史

古來直道去官多天與南園足放歌達士卷中唯  
頌酒寓公門外已張羅柯亭劉井前塵斷荔浦珠  
江短夢過散髮佯狂吾自得老年誰遣慎風波

九日飲南園詩屋

時南園文選  
從軍塞外

風雨朝來物候催故人招飲當登臺山容隱隱城  
邊出鴈語聲聲塞上來四海喜逢朋輩在百年敢  
負菊花開遙憐此日陽關客萬里浮雲首重回

顧秀野太史招集妙巖亭

立夏前  
一日

妙巖亭子與僧鄰清磬聲中坐衆賓隔岸野花飛  
著水傍欄幽鳥語留春器之有約應燒筍張翰初

歸合煮蕪

時煮蕪  
羹供客

醉後高歌頻斫地不辭披豁見

天真

姓名自昔滿清都歸卧青山號醉愚仕宦憑渠為  
令僕文章從古屬江湖空間那可無豪士世上何  
妨重酒徒後晤更期花墅宿秋風不遣月明孤

歸愚詩鈔卷十六

長洲沈德潛稿士

七言律詩

遊金山

一柱能防萬里流，此間勝概冠南州。  
半空日月窓前過，無地樓臺水面浮。  
歷亂帆檣京口暮，微茫煙樹海門秋。  
振衣直上留雲處，何許乾坤是十洲。

亭可以望海

涵虛高閣勢堪憑，十五年前客共登。  
人事幾隨雲變滅，江流還作雪奔騰。  
目窮健鶴橫飛處，身立諸

天取上層對此茫茫百端集輸他黃葉空龕僧

丁卯橋

許仲晦幽居  
墓在橋南

詩人丁卯橋邊住此日還尋丁卯橋幾點鷺鷥閒  
帶雨一灣蒲稗晚通潮空林盡處語山鬼野徑斷  
時逢墮樵不柰更求張祜宅橫塘荒草久蕭蕭

陳少陽祠

宋太學  
生東

宋代園陵草木荒儒生祠宇獨靈長堂堦日落松  
杉冷奏疏霜寒史冊光肉食自来輕社稷草茅終  
古孫興亡知公地下多遺恨南渡君臣負李綱

宗忠簡公墓



徑走澶淵湖上游渡河直欲復神州晉元已作南  
遷計諸葛空懷北伐謀當日廟堂違奏議只今樵  
牧護松楸請看京峴山邊水日落濤聲恨未休

舟往吳江過聖將兄故居

鴈汊才過又釣汀片帆行霧浪花腥春回遠樹天  
邊綠雲散諸峯鳥外青終古人琴隨逝水勞生歲  
月寄郵亭草堂寂寞封松竹不忍重看冢士星

野泊懷李芥軒

渺渺江流漾淺沙絲絲楊柳綰輕槎愁邊細雨寒  
塘路夢裏青山冢士家可向囊中游五岳還從門

外覓三車何時穩放鷺湖棹共醉東園一畝花

舟行蘭陵道中時清明日

清明佳節轉離家白舫青簾向水涯殘雨杏花江  
驛冷春風楊柳酒帘斜練塘煙火通官道京口山  
川指暮霞却羨龐公上冢日鹿門妻子守耕畬

和陳樹滋徐州懷古

沛豐千里莽從橫楚漢紛紛此鬪爭將相侯王寧  
有種英雄豎子孰成名山連芒碭雲常合水繞彭  
門浪不平戲馬歌風總消歇荒原煙雨遍春畊

春興

春來踪跡倦朱方，偶到登臨意轉傷。  
折戟沈沙猶廢壘，斷碑荒草自斜陽。  
執蘭隊裏逢新序，啼鳥聲中憶故鄉。  
讀罷桐陽離別賦，豈須庾信始悲涼。  
月魄偏于畢宿從，一春強半濕雲封。  
厥田下下淹三麥，其雨浮浮困九農。  
永夜鶴鷗矜鼓吹，平池科斗狎魚龍。  
寄言丙吉勤調燮，久矣揚州重挽供。  
候鴈俱從關外飛，邊庭還復冷征衣。  
七旬未見苗民格，萬里虛聞定遠歸。  
塞上臨風看玉劔，閨中對月憶金微。  
織皮

聖世宜通責莫使

天戈西極揮

結綬連翩賦北征春風頻送故人行巢由稷禹無  
高下廊廟江湖有重輕叱御已聞過折阪籌邊還  
欲請長纓獨餘潦倒南徐客閒向中田看耦耕

同京口余文圻登蒜山憩清寧道院時春

盡日

吳破魏時武侯運籌山間故名箕後  
改名蒜宋武帝破孫恩兵十萬在此

下山

相携筇竹上晴空木末遙遙磴道通鐵甕帆檣雙  
屐下佛狸城郭亂煙中運籌羽扇懷王佐破敵長  
刀數霸功事業銷沉山色在底須吾輩別雌雄

峰顛突兀睇無垠吳楚蒼茫幾點塵身世遷流成  
逆旅江山游衍屬閒身松門瘦石樵家路瑤草金  
光道院春慙媿玉皇香案吏堦前暫作掃花人  
閒房小駐酌流霞塵外知交雲外家詞客瓢中惟  
白雪道人袖底有青蛇天涯渺渺憐巢燕世事紛  
紛送落花春去漫嫌時序速六龍鞭後不停車

別南徐諸友

朱方浪迹已三年簪盍萍逢賴衆賢載酒市樓分  
小杓關茶僧舍颺輕煙離心飛動看黃鵠歸計踈  
狂種石田他日懷人屢迴首知予吟望五湖船

九日集陽山朱氏莊

黃葉聲中白鴈來，登高不用上層臺。一時兄弟聯  
吳越，四海文章屬草萊。雲外寺鐘催晚照，天邊嵐  
翠落深杯。故交未赴萸囊約，目斷籃輿首重迴。

虎文隱  
君不至

說劍狂歌意氣真，豈須木落感蕭晨。坐饒白髮天  
容老，家有黃花主不貧。霸業銷磨餘古蹟，名山管  
領足詞人。酒闌預訂明年會，珍重尊前強健身。

德清道中將入李明府署

過盡南湖路，幾灣魚塘淺。浦碧迴環前，期人拍鳥

飛外竟日舟行桑影間野老喧時農社集亂雲深  
處訟庭閒縣名恰與貧官稱會聽琴聲響衆山  
在亂山中

蘭臺

蘭臺空署赴輪臺

詔遣從軍萬里來食祿自應持正論

至尊終是重良才不教天遠投魑魅更許兵屯闕  
草萊想象高秋望京國一時回首白龍堆

禁軍

禁軍屯戍幾經年

皇朝詩林卷之十一  
帝胄臨戎赴極邊稽顙虛傳唐突厥轉輸遠過漢  
居延廟堂赤芾憂勞外郡邑牂羊涕泪前聞道西  
安正氛祲秋風萬井少炊煙

和顧十一太史重葺秀野園人日題壁

料理林園又一時重來魚鳥識前期無窮身世看  
棋局幾許悲驩入酒卮鄴下舊遊懷異物西堂得  
句憶連枝巡檐每值梅花發人日春風合詠詩  
遍躡山巔並水涯常携布屨與青鞵仙凡隔處興  
難盡猿鶴棲邊境自佳能以壯遊追杜甫還將志  
恠補齊諧即今穩臥高齋日萬里風雲動曠懷



吳下詩壇孰與齊，選樓人物緬林棲。  
丙丁甲乙分標格，范揭虞楊入品題。  
招隱每依叢桂畔，醉吟時到夕陽西。  
邇來轉欲藏文采，悟得郊原斷尾雞。

北郭尋徐幼文故宅

名流舊日此棲遲，滿隴煙雲獨到時。  
十子聲華隨逝水，半邨瓜瓠上踈籬。  
蜀山避地青田鶴，洛郡飛纓太廟犧。  
更惜松楸迷處所，秋墳誰聽鮑家詩。

張習云北郭未遂首業

晚蟬

抱葉聲聲咽亂蟬，平林靜處晚涼天。  
無情蕭瑟絃

中韻不盡空濛柳外煙孤館坐深殘雨後行人樓  
斷夕陽前漢廷幾許貂冠客飲露清宵讓汝賢

柳

馬尾青絲蘸綠波深閨相對感雙蛾娉婷市上煙  
初重宛轉橋邊態自多汗水昔年人在否金城往  
事感如何可堪飛絮驚毛句腸斷江南庾信歌

江邨

苦霧寒煙一望昏秋風秋雨滿江村波浮衰草遙  
知岸船過疎林竟入門儉歲四隣無好語愁人獨  
夜有驚魂子桑卧病經白久裹飯誰令古道存

九日

村北邨南皆水漲江鄉此日阻登高誰家籬下開  
黃菊何處親朋送濁醪得勢虵龍羣鼓舞無糧鴻  
鴈自鳴號可堪更縱傷時目獨閉閑門首重搔

酬駱遇安次元韻

杯行到手豈辭停會合官齋幾度經異地相逢頭  
欲白故人共對眼還青方干遇客唯三拜翁卷成  
詩號四靈不敢筵前歌折柳天涯無限短長亭

王西澗僉憲招飲賦贈

接引辭流老愈謙山莊畱客夜厭厭酒懷還逐風

情好詩律真同將令嚴屋角一枝梅破萼天邊半  
鏡月窺簾閒身正許關農事穀日欣聞大有占正時

月八日

雲山高卧是

君恩往事追思歲月奔虎尾履餘猶有悻袞衣補  
就略無痕青尊紅燭人逾健花史茶經客共論相

約鏗鏘押強韻雪車冰柱集韓門

時與同人倡  
和險韻成集

梅花次韻

掩映孤村傍野橋更無人處見丰標西墻影動月  
初上南國春寒雪未消散與清香連水竹分將幽

夢到漁樵最憐曉角吹殘日魂魄難歌楚些招

寄魏念庭憲副

世事波瀾憂患餘幾年踪跡滯姑胥

主恩未報心常戀藥性能諳病已除落日空江悲  
伍員秋風古巷吊鱗諸宵來忽作家園夢安穩閒  
乘下澤車

戟門兵衛舊森羅楚尾吳頭歲月多鈴閣競傳朱  
鷺曲錦幃細聽雪兒歌當年曾執皋陶法

嘗署臬事此

日誰禁醉尉訶試問翟公舊賓客朝來竟有幾人

過

甲子重經氣尚豪感時中夜首頻搔青天有問偕

吾黨白首同歸笑汝曹

謂排擯諸人

閱世險如穿虎峪

注書細比析牛毛

注大易老莊等書

還聞柳玼規兒子莫

負從前門第高

好山多屬郡城西小鳥翩翩易木棲不接名賢揮

玉麈自憐病眼失金鏡官衙醉月懷鴻爪虛谷眠

雲學馬蹄橋刺藤梢今宛在鄭公應過浣花溪

歸吳即事次王雨豐孝廉送別韻

先遣歸心到古吳輕帆如葉漾風蒲地連桑竹多

平遠山入雲煙忽有無一路渚蘋隨意采幾家邨

釀傍船沽自憐天與滄洲福小別西湖又五湖  
湖水真同別意深湖天入望結重陰薜蘿遙憶巖  
阿趣鷗鳥常存浩蕩心十畝君堪詠閑世一竿我  
已泯升沉明朝短棹香溪路飽聽田間快活吟

問宋故宮

鳳皇山下舊東華一帶荒林噪亂鷄廢殿有人携  
杖履掖門無樹挂袈裟朝周玉馬悲元子卧棘銅  
駝嘆永嘉惟有翩躚雙蛺蝶春來還覓苑墻花  
牧馬場邊感寂寥相逢佛子話前朝聲聞白鴈遺  
民泣劫換紅羊王氣消曾建一瓶楊璉塔仍來三

折伍胥潮內人斜廢無火識拾得釵鈿是野樵

題陶甄夫畫芍藥

甄夫名者楚之湘潭人考某於磨盤山兵  
敗戰歿甄夫既長買一漁舟往來吳楚間  
工畫尤長花卉淮陽人獨重之此畫為南  
江作不知何人蓋寓揚時筆也丁酉歲予  
相見於金陵古貌古心年已八十餘矣未  
幾沒生平見山陰布衣楊賓傳文中目以  
遺民云

貌取將離邗水濱圖中此日挹清芬品齊海上三



珠樹色並郇公五朶雲  
鄂渚沿洄舊漁艇磨盤慟  
笑故將軍瓶花猶帶遺民  
泪曾讀山陰處士文

毛逸槎園居

萬綠拋盡愛林業  
領略閒園景趣幽  
一道溪流環藥圃  
四圍嵐翠入書樓  
月明蘿屋花含笑  
露下松梢鶴警秋  
欲向包山訪仙蹟  
門前時泊五湖舟

北上述懷別諸同學

老驥空懷千里程  
三條燭下夢魂驚  
南轅北轍終何濟  
西抹東塗浪得名  
匹馬漫思隨李廣  
悲歌無意和荆卿  
衰年也受交章薦  
慙愧吳公識賈生

買山已過鮎山西蕙帶荷衣製欲齊  
拾橡風林呼稚子灌花月夜並荆妻  
出門遙指

天雙闕故里空閒雨一犁為語雲巖猿鶴伴終教  
與爾共幽棲

折柳歌聞尊酒餘故人於此送征車  
聯吟北郭懷

中歲

予年四十餘  
結北郭詩社

分手河梁及夏初畏我友朋宜

養拙生逢

堯舜敢逃虛他時憑眺燕臺上目斷南鴻尺一書

舟行魚臺如故鄉風景同倪稼咸吳恂士

賦

荻蕭兩岸景萋迷一路舟行傍大隄黃土墻邊春  
店酒綠楊村裏午時雞蓬窓點筆親風雅時校勘  
唐宋人  
詩水檻看山認魯齋賴有同袍相慰藉鄉心不用  
八行題

送潘南林太守南還

冥鴻旋見向南天折柳歌聞悵別筵邊郡尚懷慈  
似母當途偏棄直如弦蘆溝曉月徐驅馬淮甸平  
流穩放船他日結鄰應踐約故山同耨鶴糧田

九日同人黑窰廠登高

崇岡突兀俯南城木落寒林眼倍明雙闕參差佳

氣合三關層疊暮雲橫風霜慘澹重陽節燕趙悲  
歌終古情況有酒人同會合一杯便欲酌荆卿  
煙光歛忽移山嵐日晚佇立餘清酣鴈聲嘹唳來  
絕塞龍影恍惚藏澄潭下有烏龍潭百年身世醉莫問  
四海弟兄情所湛極目無端動歸思高歌一曲望  
江南

客中除夕

清尊孤燭伴閒身撥盡爐灰夜向晨素練未消殘  
砌雪蒼龍已轉隔年春燕山風物依朋舊南國杯  
盤話遠人添歲并興除歲感他鄉何似故鄉親

舟抵津門

歸去來兮問水濱  
潞河留滯又經旬  
千盤曲岸紆帆影  
半夜狂飈駭榜人  
冬霧冥濛遮灤縣  
海濤洶湧撼天津  
不妨橫索逢關吏  
萬斛閑愁一菜身

到村後述興五首

僂耳漫傳蘇軾死

吳下傳子已死

羌邨已得杜陵歸  
故林

仍喜松篁好  
老屋俄驚卷軸非  
鄰酒賒餘多負券  
秋禾登後有啼饑  
劔鋒寸折雄心盡  
無復哀歌嘆短衣

曾上燕臺俯薊門  
排雲便擬謁重閣  
挽弓誤射南

山虎跋浪空騰北海鯤  
甌破竟湏同孟敏  
閣開何用謁公孫  
家園自有生涯在  
只合勸雲薜荔村

親朋知我乍歸來  
短陌過從笑口開  
傲骨共看餘骯髒  
素衣差信少塵埃  
談深存沒憑燒燭戶  
偏冰霜仗把杯  
相約同羣入山去  
衝寒高上望湖臺

滿島煙雲洞壑扁  
入天峰色舊時青  
談禪曾共劉

訐聽着屐還同謝  
客經淡味素耽餘  
水厄命山僧烹白雲

故交重遇有山靈  
長鏡托命吾生事  
準擬天寒

劉茯苓

飽歷羊腸問路岐  
茫茫前去欲何之  
未能入幕依

嚴武且可彈琴侶，戴逵放浪五湖聊。快意光榮二  
鳥偶，乘時區區馬指堪。齊否一卷南華是我師。

喜徐激齋太史南還

遭逢盛世賦歸與，孫綽於今果遂初。安樂窩中閒  
自在，雞豚社裏晚相於。鐘傳半夜夢方斷，艾畜三  
年病已除。近日更聞添臂力，鄉人爭乞擘窠書。

冰霜同把異鄉卮，故里相逢秋半時。江左清華有  
君在，吟壇風雅是吾師。四愁都忘張平子，三樂能  
全榮啓期。他日追從入山去，鍾吾深處采靈芝。

盛青嶼入蜀詩以憶之

詞人迢遞沂三邑更指蠶叢路尚賒鑿險地曾開  
力士搜竒天許作詩家風雲八陣懷忠武流落孤  
臣吊浣花旅食不愁淹歲月從來吾道在天涯

人日長清道中懷周子欽萊

人日勞勞濟水旁柳條初動欲舒黃鶴辭故籠閒  
難就馬歷長途老未忘孤客驅車繞過魯舊交帶  
索合歌商懷賢望遠同高適何處題詩寄草堂

道中憶西湖

不到西湖已六年當年時上缺爪船玉缸花撲家  
家酒碧盃茶分處霧泉楊柳陰遮遊子騎艾荷香



入美人筵即今郊店雞聲裡魂夢還尋放鶴仙

郵亭

十里亭連五里亭勞勞車馬此常經往來驛路蕪  
長短迎送離筵襍醉醒逐客遇窮身暫宿美人天  
遠跡還停春風不識傷心處又遣垂楊踈地青

夾竹桃

柔條灼灼復猗猗翠篠紅芳間一枝似借淇園君  
子德好添南國美人姿迎風含泪憐湘女抱節無  
言訝息媯自是有筠蕪有色何妨開到薄寒時

戲詠半錢

姹女河間數忽停飛跬已破舊時青平今輪郭難  
成式盡改方員不受形留得看囊仍是澁縱教使  
鬼也無靈沈郎榆莢依然在園影垂垂散滿庭

簷冰

銅溝歷亂正堆鹽凍合流澌勢漸嚴倒挂燕釵齊  
露脚平垂鴛尾各抽尖月移凌影橫虛牖風折寒  
聲落短檐贏得紅閨倚闌看樓頭高卷水晶簾

歸愚詩鈔卷十七

長洲沈德潛礪士

七言律詩

臚唱恭紀

鳴鞭靜後奏箭韶

御幄香濃入絳霄  
鹵簿疊陳儀仗肅  
鴻臚三唱姓名標  
羽毛共看翻靈鳳  
文采爭傳賦洞簫  
天半倘逢雲五色  
魏公碩望在同朝

賜給文綺坊儀恭紀

恩禁宴後集朝簪

錫子聯綿惠澤深中使自

天頌采帛度支傳

命授兼金千絲織作憐寒夜萬國輸將識苦心  
來自田間難報稱願持潔白守規箴

遊澄懷園

名園水木互縈洄地近

離宮淨點埃虞褚並官親禁掖班揚分宅住樓臺  
荷風入座香難散鷗侶依人夢不猜行到苑牆遙  
指點此間合號小蓬萊

欽點庶常恭紀

古木槎枿忽遇春也隨侍從拜新綸許親香案稱  
仙吏望見紅雲識

聖人甲觀酉山探秘冊柯亭劉井話前塵自憐老  
去頭盈雪漫擬終軍對白麟

次壽山陳公秋夜詠懷韻

絡角明河影欲沉夜窓對酒倦孤斟聽砧道遠衣  
難授汲古年衰屢未深大隱敢承金馬詔小山時  
動綠蘿心生平願作安恬翼棲息還依直木陰

早朝

明河澹後肅朝儀湛露零餘潤玉墀辨色千官瞻

北極當陽

五位面南離風傳鳳律諧韶樂日射螭坳上羽旗  
親見虞廷歌喜起

天顏豈獨近臣知

送張鴻勳南還

忽夢吳江舊釣磯金風初動賦旋歸酒沽燕市人  
同醉路指南雲鴈共飛千疊亂山車騎晚一篙秋  
水鱸鱸肥到家羨爾天倫樂脫却征衣換綵衣

野泊

津鼓停餘泊小船灘聲中夜不成眠透篷寒氣霜

初落到枕清光月尚圓撲滿敢忘知已贈賸夢還  
憶老妻賢歸心付與南飛鴈先到香溪雲水邊

偶述

乍離豹尾來南國未習龍韜領武功絃管聲中消  
永晝蕙蘭叢裏醉春風但聞議價酬明月那識啼  
鐵託鞠箭燕雀紛紛巢幕上可看天際有飛鴻  
香氣常濃夢不清更聞方士說長生一從天上傳  
黃紙便聽臺邊歇玉笙請室歸餘尊獄吏仙班散  
後失飛瓊璋公空有閒雞犬肯向嶠函試盜鳴

贈英夢堂

把君詩卷過殘冬，此夕尊前喜乍逢。  
僑札定交通，縞紵孟韓相遇合。  
雲龍黃河浪動冰初解，白鴈聲寒霜尚濃。  
明日分飛悵回首，淮南煙樹隔重重。

晚泊夏鎮東為沛縣屬江南省西為滕縣屬山東省中以康阜樓界之予舟適在樓

下詩記其事

舟泊一灣分兩省，樓高百尺記三層。  
故宮魂魄魄常思沛，經界公私尚憶滕。

土人指文公行井田處

戶插竹枝風

自古兒垂花勝歲，方增夜寒蓬底難。  
成寐坐擁殘

編對一燈



簡趙秋谷先生

年少才華擅藝林，八旬忘却鬢霜侵。  
早授簪綬功名薄，高卧雲山歲月深。  
世外漁樵肝膽地，寰中花鳥短長吟。  
秋風銅狄思前事，眼底何人識此心。

匠門樓閣着神仙

先生來吳每寓匠門書屋

載酒逍遙任醉眠

月夜聽箏紅燭院，風前覓句綠楊船。  
吳都碩果俱往矣，魯殿靈光獨歸然。  
御李倘能隨杖屨，後先已未亦同年。

先生係前已未

贈查榴齋

宣武門前日欲晡，塵埃握手共歌呼。  
孟韓聯句懷

秋雨高亭論文憶酒壚

詩社未年

羨子蒼鷹揚健翮

憐予老馬闇長途還期吟社堅前約看摘驪龍頷  
下珠

忘却人間行路難文鷓無意覓琅玕狂歌恥詠南山  
斫繼酒思吞北海乾少歲已經漂鬼國中年還惜翦飛  
翰自將清福驕吾黨萬笏西山放眼看

和金質甫太史移居

玉堂不改舊寒糴歲每移居當轉遷二應才名原  
國士三蘇文望本家傳詞頭合草明光硯鶴料須  
增負郭田靜息寸心觀物變鬪難訟鹿總堪憐

田竇豪華舊結歡，兒童曾向逐金丸。  
一從兔苑移他族，誰向銅池憶達官。  
此日吟壇春入座，當年舞袖畫生寒。  
眼前不盡乘除感，閒話同君倚曲闌。

豪家  
故宅

壬戌元旦用文待詔乙卯元旦韻

聲聞長樂曉鐘傳，曙色初分歲又遷。  
上日恰逢天際雪，散

朝還帶

殿中煙燿龍接席，尊前草園綺同羣。  
覺少年祝國，但祈暘雨若雅詩首詠甫田篇。

送杭堇浦太史

殿頭磊落吐鴻辭文采何嘗憚作犧王吉上書明  
聖主劉蕡對策治平時隣翁既雨談墻築新婦初  
婚議竈炊歸去西湖理場圃青青還藝向陽葵

送座主泰安公歸里

宰臣幾箇返家山此日

君恩許就閒官職已辭黃閣老夢魂猶入紫宸班  
舜華堯韭關榮謝張文殷兄訂往還後會預期隨  
杖屨天門高頂共躋攀

題謝時臣畫二首

三山參錯疑京口一派汪洋想大江浪影遠兼雲  
路濶潮聲直到海門降望中旌旆瓜洲戍煙外檣  
帆估客艘指點丹青頻利涉吳頭楚尾是鄉邦

右京口圖

傑閣登臨眼界空乾坤浮水入鴻蒙樓臺隱見神  
山際城郭青紅海市徐福三千歸縹緲田橫五  
百想英雄披圖便有凌虛意颯颯遙乘萬里風

右觀海圖

史局漫興

侵曉隨曹入史成深嚴丹禁似蓬瀛簾旌香撲花

初放鈴索聲傳鳥不驚前輩風流歸澹蕩朋儕辯  
論總和平胡毋博學吾何有消得閒官一味清

晉水龍騰漸式微分來史冊出

天扉

介校新舊唐書

辭章完善稱劉昫識見高明許宋祁

淮雨別風沿謬誤魯魚亥豕想依稀校讐掃葉真  
相似勿使常遺後代譏

史成勝代存殷鑒

詔定編年準燕陽五位深仁推敬帝一朝實錄混

焦芳

介纂孝宗敬皇帝其實錄出焦芳手不足憑也

是非不晦也垂宿提

挈今明綱在綱自媿衰年難稱職空聞劉氏說三

長

驢

貧家飼秣已三年負重何嘗暫息肩  
夜靜天街鳴落月秋深石徑踏荒煙  
病來猶勝童奴嬾老去偏餘筋力堅  
他日探梅騎汝去銅坑山畔太湖邊

犬

絲蘿門徑少車音如豹聲傳小巷深  
長夜破雲噪月魄短籬斜照臥花陰  
也隨鈴柝防家具略近腥羶諒主心  
况復多情迎舊客知予還往重朋簪

毒碌  
石碌

圭角磨礪見渾成田間閒臥傍柴荆質因厚重從  
人棄地為高低仗翁平也受牧童敲細火還隨農  
父碾香秔誰將頑石加箋疏耒耜經中補令名

寄朱木鳶

齊女門邊昔宴遊別來歲月幾遷流賞詩應已高  
麟閣耽酒何妨號醉侯風泛素蘭虛室靜露零  
桂小山幽聞君話我盈頭雪官燭離書夜未休

寄周迂村

移家自得天隨友

尤飲鶴居皮市迂村自甫里移  
家居臨頓里恰符皮陸樓隱地

偕隱相携孺仲妻向共閒吟追汐社近聞直釣坐



清溪行藏處冷乘軒鶴文采心驚斷尾雞何日隨  
君還故業一蓑煙雨課耕犁

和許紅橋同年春讌之作

接席無非淡蕩人唐花開落五分春九重天上聽  
仙樂百罰盃前鬥健身過眼光風吹馬耳別人衷  
曲轉車輪紅橋將之粵西桂林隔斷雲南北此去關河萬

里新

略似江鄉草被堤閒園好在鳳城西清談縱酒風  
生座高閣看山雲滿梯顏汝循良師卓魯任予迂  
在並燕齊庭前小鳥知人意也惜離羣故故啼

紅橋疊韻見寄隨疊韻報之

當筵聊復綴陳人老眼逢春不當春  
世事喧呶一杯酒前途珍重百年身  
蕙蘭同臭歸紉佩椎鑿無心任斲輪  
莫唱陽關第三疊青青怕見柳條新  
醉餘隨意坐春隄晚晚流光夕照西  
行遠不須追雷馬學仙豈問上天梯  
娛人紅杏枝枝綻送客青山箇箇齊  
到日陽和宜散布窮檐萬戶有兜囑

題長新店壁

悠悠前路發行旌古驛皇華第一程  
燕市故人憐小別楚天雄眼數長征  
題橋素薄辭臣顛負弩何

煩長吏迎記得往年曾此宿青袍  
鍛羽老諸生

過柏鄉魏氏懷念庭觀察

鄣南夙昔神遊地此日來過兼濟堂  
諸子鎖門緣領郡故交化鶴可還鄉  
卅年歲月驚駒影百卷風騷緬葯房  
猶有家聲未零落行人指點午橋莊  
文謂

公毅

謁湯陰岳侯祠 古湯陰里

魏我祠宇蕩陰城故里人欽英武名  
草木至今還共惜忠姦自昔竟誰明  
獄成三字臣何怨代隔千秋衆不平  
此日庭前雙古栢風來猶作戰場聲

殷少師比干墓

少師遺墓氣森沈，立豐碑藓不侵。日月朗懸尼

父筆

墓碑六字相傳孔子書

兒童爭識聖人心，以同孤竹分

先後諫，並龍逢。照古今，明水欲陳無可莫。聊抒忱  
悃託微吟。

懷茶園侍御

用拙每逢當路忌，復官倍荷

聖人恩鏡。從磨後光逾顯，竹受風餘勁。故存書卷  
向鄰移，蠹簡草花隨地藝。芳蕙待子歸日，追吟社  
綠酒紅燈共細論。

懷吳生南勤

封溪諸老俱奄忽此日吳生獨擅場  
經義半空盤鳥道古歌千里下風檣  
碎琴逢爾來燕市相馬偏予赴楚疆  
北望京華屢回首浮雲落照杳茫茫

漢陽渡江之武昌

中流畫舸泛虛明鏡吹橫空響更清  
一路帆檣似梳櫛三層樓閣想蓬瀛  
漢陽樹與秋雲淡黃鵠磯連沙渚  
平憑弔英雄繼王粲粲有漢末英雄記  
此行老不負南征

黃鶴樓

鶴去樓空事渺茫  
楚雲漠漠樹蒼蒼  
酌三杯酒月隄曉  
流萬古情江水長  
不遇謫仙吹玉簫  
曾聞狂客坐胡牀  
有客羽衣賦詩云興高老子胡牀上  
秋在仙人鐵笛中  
時傳寫目為狂客  
登臨此地懷京國也似金臺望故鄉

鸚鵡洲弔禰衡

蟻視曹公氣不摧  
蘭焚玉碎劇堪哀  
故人慷慨推奇士  
亂世從橫露俊才  
洲沚何妨激濤浪  
文章那肯辱蒿萊  
祇令後代經過者  
煙水茫茫酌一杯

鎖闌即事呈同事諸公

桂香濃處月輪圓  
員棘院深深別有天  
歷塊正須千

里駿搜竒恐媿九方歎諸公秉鑑除纖翳老眼持

衡戒小偏汲水煎茶非我事好詩只讓大蘇傳院試

煎茶東坡監試時事  
衡文恐無暇及此

慘淡經營各逞思打頭屋裏吐瑰竒蠶聲食葉管

齊下駒影騰空日漸移鼓瑟湘靈有神助運斤輪

扁寸心知可能五夜饒餘勇興滿三條燭盡時

經義由来貴大純胸中抱負揔探真芻靈木偶防

因陋土伯蛇神戒門新清廟遺音原淡淡高樓落

紙敢頻頻熊劉風範今存否願為荆襄辨玉珉

號舍曾經十七回康熙丙子始偶逢

天澤潤枯茲選才已與屠龍遇變色還因談虎來  
欲報

聖明憑翰簡敢期朋好鼓衰頽諸生發軔從茲始  
突兀同登郭隗臺

大風登黃鶴樓

危樓切漢形建瓴俯瞰遼廓風琴冷波流泗漉奔  
白馬洲嶼滅沒浮萍隔江遙接埤堦影高座還  
覺魚龍腥千秋招鶴鶴不返天際依舊雲冥冥

楚人湯雲山前明萬曆丙午生年一百三  
十九矣訪之漢陽門外相見頃曾孫侍側



不扶杖能拜起耳聰目明問以眠食曰健  
飯多睡次及方藥曰生平無病不知藥也  
古所云地行仙者即其入邪因系以詩

竇公老壽更誰倫

漢文帝時人

年一百八十今日重逢漢水濱

身歷八朝同木石  
心空六鑿返真淳  
不寒不暑忘將我  
無藥無方說與人  
親接履綦殊自失  
可容樽散傍莊椿

挽倪頤塘同年

書來病臥格孫城  
歸去旋聞殞此生

金殿萬言同作賦

丙辰軺車一兩共  
長征

戊午多文為

富編初就有子承家學待成比似方干老足慰身  
前鄉舉已題名

寒瓜

瓜區是處見纍索獨有寒瓜種寂遲苑舍秋風常  
穩臥槿籬細雨每平垂斷壺聊共烹蒸慣食肉安  
知滋味宜遙想故林蘿屋底依然爛煮晚炊時荆

長齋嘗植  
此瓜代飯

登盤山

漁陽重鎮削芙蓉紫蓋攀躋第一峰亂石雲中躡  
虎豹寒泉松頂走蛟龍微茫海氣環無外層臺遶

城繞幾重身在棲猿最高處擬將白日挂孤筇  
天窮漠北鬱崔巍佛海龍池獨往來纔上半山無  
鳥雀早知下界起雲雷隱居為指田盤谷舞劍還  
尋李靖臺到此并忘身世感茫茫大地總浮埃

首夏同盛子青嶼謝生岳生薛生上賓許  
生樸園家禮存者豐臺芍藥過王氏園

開到將離四月天城南隨路訪千泉銖衣寶屨俱  
留眇瘦燕肥環總可憐一抹山橫飛鳥外孤筇人  
倚亂霞邊諸君終作探花使慘綠應推寂少年  
路入花源柳半遮亭臺舊是故侯家繁華頓醒三

更夢明麗仍披五色霞  
邃戶飛飛通乳燕  
野田閭閻  
聞關鳴蛙登臨振觸鄉園  
景仿佛神遊葑水涯  
祖氏園王阮亭尚書賦詩  
所云水田一帶學僧衣也  
地

晉秩宮詹恭紀

每依講幄侍

龍顏寵命新從

天上領蒼玉銀章儀竊忝  
幸賢孔霸學難攀仍修  
經史縻官廩虛憶鮑鱸夢  
故山列坐宮坊總前輩  
敢云辭苑領清班

武闈即事次壁間王衷白大司馬元韻

前明萬曆庚戌大  
總裁詩勒石於壁

棘院重垣深復深去年羣從

翠華臨曾陪虎觀談經術好遣鷹揚列禁林見獵  
興高餘激壯腐臺事往已幽沈評量鈐略諸公在  
共識聞雞起舞心

簡命頻仍

恩遇深冰淵在抱履還臨龍媒要使來西極鴉鳥  
何難集泮林鎖闥風微簾影靜奎堂月朗漏聲沉  
豐城倘有寒芒起肯失張華望氣心

政事堂述懷

曉入

綸扉露點清閒庭鈴索靜無聲赤文重疊承

天語綠綬追隨佐宰衡老病乍除緣祝噎

時病噎初愈

君恩未報緩歸耕只慙莫效纖毫職空割堂餐飫  
大烹

漂陽史師相懸

御書於堂招集宴飲有作

驪珠顆顆煥

天章此日高懸畫錦堂正值賜書褒李沆還須飛  
白記歐陽六官通著述襄績九宇頻移節鉞老內

外宣勞三十載故教錫予等旂常

一堂賓主樂昇平宴飲傳將傅說羨堦下管絃惟  
法曲座中纓帶半門生

隆恩自合酬調變歡會還應念癸庚咫尺依然對  
雲日榮光朗映上台明

題王孟亭太守硯影

孟亭髯也得硯於蕪城背刻髯而笠屐者  
或曰東坡像也或曰阮亭影也孟亭得之  
即從而我之命予賦詩

或肖東坡或阮亭孟亭得此兩忘形髯翁是我還

非我端石無靈亦有靈若箇雕鐫遺歲月與君南  
北共飄零看山蠶尾白田叟一笑何須更勒銘

送張石帆歸京江

野鳥南飛破碧天敦盤良會即離筵燕吳賓主情  
千古江海波瀾手一編歸去何人供鶴料閒來有  
業耨芹田芹田在蒜山下何時共踏金鰲頂笑指蓬壺萬

里煙

詠雨衣和塞曉亭閣學

豈須白鷺織成蓑更異騷人製芰荷斟酌雨暘闕  
去就捐除文采任遮羅何妨尋菊披襟往自可澗



泥挈領過以尾為之方不漏古來進諫諷偏多

詠針

繡出鴛鴦仗翠娥金鍼付與劇摩挲山中磨杵終  
當就月下穿絲自許過綿裡累餘全不露芥邊投  
去兩無訛莫嗤金線頻頻墜補袞由來功最多

白燕

漢宮釵影見差池偶度銀塘颺羽儀珠箔樓頭高  
卷霞芹泥梁上乍銜時掠殘柳絮虛無態剪破梨  
雲低亞枝京洛何妨共棲宿素衣未必化為緇

鴈字

鍾繇字跡擬羣鴻今見鴻文體勢同蝸蟻塞邊秋  
寫怨鳳凰樓畔夜書空問奇共識天章麗觀象還  
誇鳥篆工畢竟太虛無一點漸看飛白入冥濛  
家雞野鷲點紛紛望裏成行入亂雲偶到華山應  
落墨若過衡嶽亦迴文天邊波磔疑三折水坎橫  
斜認八分為問清真王逸少可將此幅換鷺羣

蘆花被

貧家聊禦薄寒侵瑟瑟飛花入布衾鋪却石林清  
氣滿堆將紙帳野雲深閒眠秋雪成幽夢肯羨青  
綾失素心繡被焚香張翠蓋鄂君此味未能尋

霜蓬

野泊溪灣月色沉孤蓬便有早霜侵露凝清入漁  
師夢光透寒欺估客衾長夜未掀時悄悄短舷方  
蓋氣森森曉來埽却凌空去試聽煙中款乃音

酒旗

青帘挑出勢輕盈楊柳邨中望眼明山店低垂朝  
露重河橋斜卷暮煙橫香招遊子停來往影落春  
流漾淺清料得一竿花雨外吳姬喚客若為情

夢亡室俞夫人醒笑以詩

南北幽明兩不堪夢中恍惚月沉潭三年我未看

瓜苦四紀君惟廢簪甘抱病但聞辭藥石蓋棺始

得易衣簪

終身布衣高懸玲瓏

織亡豈仗瞿曇法

翠儒書諒已

諳素不信佛氏教